


NO. KAD PENGENALAN :

						-							
--	--	--	--	--	--	---	--	--	--	--	--	--	--

ANGKA GILIRAN :

--	--	--	--	--	--	--	--	--	--



**JABATAN PELAJARAN SELANGOR
MAJLIS GURU BESAR NEGERI SELANGOR**

**PROGRAM PENINGKATAN PRESTASI AKADEMIK PPPA 2
PEPERIKSAAN PERCUBAAN UPSR
2012**

BAHASA MELAYU

Kertas 1

50 minit

JANGAN BUKA KERTAS SOALAN INI SEHINGGA DIBERITAHU

1. *Kertas soalan ini mengandungi 40 soalan.*
2. *Jawab semua soalan.*
3. *Tiap-tiap soalan diikuti oleh empat pilihan jawapan, iaitu A, B, C dan D. Bagi setiap soalan, pilih satu jawapan sahaja. **Hitamkan** jawapan kamu pada kertas jawapan objektif yang disediakan.*
4. *Jika kamu hendak menukar jawapan, padamkan tanda yang telah dibuat. Kemudian **hitamkan** jawapan yang baru.*

MARKAH
40

Kertas soalan ini mengandungi 14 halaman bercetak

Soalan 1 – 18

Isi tempat kosong dengan jawapan yang paling sesuai.

- 1 “Mengapakah _____ bertitah demikian?” tanya Datuk Penghulu kepada Putera Zaid.
 - A patik
 - B tuanku
 - C hamba
 - D baginda

- 2 Julia cuba _____ bola yang dipegang oleh sahabat baiknya itu.
 - A menepis
 - B menolak
 - C merembat
 - D merampas

- 3 Datuk _____ makan nasi goreng itu pada bila-bila masa sahaja kerana telah terhidang.
 - A telah
 - B mesti
 - C boleh
 - D harus

- 4 Bas ekspres ke Kuantan akan _____ dalam masa setengah jam lagi.
 - A berlabuh
 - B bertolak
 - C berlepas
 - D belayar

- 5 Walaupun usia Pak Teh telah _____, namun dia masih kuat mengerjakan bendangnya seorang diri.

A lepas
B lanjut
C lalu
D terus

Soalan 6 berdasarkan gambar di bawah.



- 6 Zhen Shing jatuh _____ kerana terpijak kulit pisang yang dibuang di atas lantai.

A terduduk
B tersungkur
C terpelanting
D tersembam

- 7 Emak _____ berada di dapur walaupun rombongan peminangan daripada pihak lelaki telah berkumpul di ruang tamu.


A telah
B akan
C masih
D mesti

021
031

8 Rozi berasa _____ semasa meniti jambatan gantung yang tinggi itu.

- A seram
- B gayat
- C cemas
- D asyik


Soalan 9 berdasarkan gambar di bawah.



9 Marini mengusap-usap bulu kucingnya yang amat _____ itu.

- A lembik
- B lembut
- C kejur
- D licin


Soalan 10 berdasarkan gambar di bawah.



- 10 Alisya berdiri di _____ kedua-dua orang ibu bapanya.
- A tepi
 - B celah
 - C penjuru
 - D antara
- 11 Timothy _____ menghantar abangnya ke stesen bas pada pukul 8.00 malam nanti.
- A akan
 - B telah
 - C sedang
 - D nanti
- 12 Majlis perpisahan guru besar itu akan diadakan oleh pihak sekolah _____ kerjasama Persatuan Murid-murid Tua.
- A akan
 - B oleh
 - C dengan
 - D dari

- 13 Puteri Sarah menjadi _____ pemuda-pemuda di kampungnya kerana kejelitaan dan kepandaiannya.
- A idaman
B mengidam
C mengidamkan
D diidamkan
- 14 Kakak _____ rambutnya yang basah di tepi tangga akibat kehujanan.
- A pelurut
B lurutan
C melurut
D dilurut
- 15 _____ saya meremang semasa mendengar cerita seram daripada datuk.
- A Bulu roma
B Gigi susu
C Tulang belakang
D Jari manis
- 16 Peniaga itu mengira keuntungannya dengan menggunakan _____.
- A dekak-dekak
B gula-gula
C kisi-kisi
D kuda-kuda
- 17 _____ Pak Jali berkumpul semasa dia mengadakan majlis perkahwinan anaknya yang _____.
- A Cucu-cicit...hingar-bingar
B Anak-pinak...huru-hara
C Sahabat-handai...sunyi-sepi
D Saudara-mara...gilang-gemilang

Soalan 18 berdasarkan gambar di bawah.



18 Nenek menyelitkan se_____ bunga melur berwarna putih di sanggulnya.

- A batang
- B tangkai
- C kuntum
- D jambak

19 Budak perempuan itu tidak mempunyai kawan kerana dia bersikap sombong.

Pilih perkataan seerti bagi sombong.

- A pemurah
- B angkuh
- C ikhlas
- D peramah

20 Ubi yang direbus oleh Mak Cik Jaha itu sudah empuk.

Pilih perkataan berlawanan bagi empuk.

- A keras
- B liat
- C lembik
- D mengkal

Soalan 21 67– 22

Pilih ayat-ayat yang menggunakan perkataan bergaris dengan betul.

- 21 I Nelayan itu memikat ikan pada awal pagi.
II Pak Cik Jenal memikat ayam hutan dengan kawannya.
III Adik memikat tali kasutnya dengan kuat.
IV Lagu-lagu yang diputarkan itu amat memikat hati pendengar.
A I dan II
B II dan IV
C I dan III
D III dan IV
- 22 I Shasha telah membeli sebuah rumah yang agak lega besarnya.
II Ibu berasa lega kerana abang telah mendapat pekerjaan yang baik.
III Beberapa ekor ayam peliharaan nenek telah lega daripada rebannya.
IV Bayi itu tidur lega di dalam buaian.
A I dan II
B III dan IV
C II dan III
D I dan IV
- 23 *Pilih jawapan yang paling sesuai bagi ayat tanya yang diberikan.*
Mengapakah kanak-kanak itu menangis?
A Dia memang suka menangis.
B Dia menangis sejak tadi.
C Kakak Lina telah memujuknya tetapi tidak berjaya.
D Emaknya tidak membeli anak patung yang dikehendaknya.

24 *Pilih ayat tanya yang paling sesuai bagi jawapan yang diberikan.*

Tujuan hari penyampaian hadiah adalah untuk menyampaikan hadiah kepada murid-murid yang cemerlang dalam peperiksaan.

- A Mengapakah hari penyampaian hadiah diadakan?
- B Bilakah murid-murid yang cemerlang mendapat hadiah?
- C Bagaimanakah suasana hari penyampaian hadiah?
- D Di manakah hari penyampaian hadiah diadakan?

Soalan 25 – 26

Pilih ayat yang sama maksud dengan ayat yang diberikan.

25 Sekumpulan murid sedang melayari Internet untuk mencari maklumat yang dikehendaki oleh guru mereka.

- A Internet yang dikehendaki oleh murid sedang dicari oleh guru untuk mengumpulkan maklumat.
- B Guru sedang melayari Internet untuk mencari maklumat yang dikehendaki oleh sekumpulan murid.
- C Maklumat yang dikehendaki oleh murid dicari oleh sekumpulan guru yang sedang melayari Internet.
- D Internet sedang dilayari oleh sekumpulan murid untuk mencari maklumat yang dikehendaki oleh guru mereka.

26. “Jangan berlari di kaki lima kelas,” tegah Cikgu Shanti.

- A Cikgu Shanti melarang murid-muridnya berlari di kaki lima kelas.
- B Cikgu Shanti menyuruh murid-muridnya berlari di kaki lima kelas.
- C Cikgu Shanti memaksa murid-muridnya berlari di kaki lima kelas.
- D Cikgu Shanti menggesa murid-muridnya berlari di kaki lima kelas.

Soalan 27 – 28

Pilih ayat yang betul.

- 27 A Sajak itu ditujukan daripada Cikgu Laila.
 B Pesawah itu mencacakkan orang-orang di tengah sawah.
 C Lelaki yang bertali leher itu adalah bapa saudara saya.
 D Para nelayan mulai pulang dari laut di waktu petang.
- 28 I Kek keju ini telah dibuat daripada seorang tukang masak yang terkenal.
 II Beberapa biji bola telah disimpan oleh kami di dalam stor.
 III Surat jemputan itu disampaikan oleh ketua kampung.
 IV Beberapa buah kapal dagang sedang berlabuh di Pelabuhan Barat.
 A I dan II
 B III dan IV
 C II dan III
 D I dan IV

Soalan 29 – 30

Isi tempat kosong dengan simpulan bahasa yang sesuai.

Aida dan keluarganya bercuti di luar negara pada cuti sekolah yang lalu.

- 29 Simpulan bahasa yang sesuai bagi situasi di atas ialah _____
 A makan suap
 B makan hati
 C makan angin
 D makan dalam
- 30 Daren ditegur oleh gurunya kerana hanya mengulang kaji pelajaran apabila disuruh oleh guru. Sikapnya seperti _____
 A melepaskan batok di tangga
 B pahat dengan penukul
 C mengajar ketam berjalan betul
 D anak ayam kehilangan ibu

Soalan 31 - 35

Baca petikan di bawah, kemudian jawab soalan-soalan yang berikutnya.

LAPORAN LAWATAN KE PULAU LANGKAWI

Pada 5 Mac yang lalu, Persatuan Kajian Tempatan SJK(T) Ladang Gapi telah mengadakan lawatan sambil belajar ke Pulau Langkawi. Tujuan lawatan ini diadakan adalah untuk menambahkan pengetahuan tentang legenda Mahsuri yang terkenal di pulau itu, di samping memberi pendedahan tentang tempat pelancongan menarik yang terdapat di negara kita.

Lawatan ini disertai oleh 38 orang ahli Persatuan Kajian Tempatan dan empat orang guru penasihat persatuan. Rombongan kami menaiki bas yang disewa khas ke Kuala Perlis sebelum menaiki feri ke Pulau Langkawi. Dalam perjalanan, kami singgah di kawasan rehat Sungai Perak untuk bersarapan sebelum meneruskan perjalanan. Apabila tiba di jeti Kuala Perlis, kami menaiki bot untuk ke Pulau Langkawi. Perjalanan ke jeti Kuah mengambil masa selama 45 minit.

Tempat pertama yang kami lawati ialah Makam Mahsuri iaitu makam seorang wanita cantik bernama "Mahsuri" yang telah dihukum bunuh kerana difitnah. Menurut cerita penduduk tempatan, semasa ditikam, darah berwarna putih mengalir daripada tubuhnya. Selepas itu, kami menaiki kereta kabel yang menghubungkan dua puncak gunung di Pulau Langkawi.

Pada hari yang kedua, kami melawat "Underwater World" yang merupakan salah satu tarikan pelancong ke Pulau Langkawi. Di sini, para pengunjung berpeluang melihat pelbagai jenis ikan dan hidupan laut yang lain yang berenang bebas di dalam akuarium. Selain itu, kami juga dapat melihat burung penguin yang biasanya hanya terdapat di Kutub Utara.

Sebelum pulang, kami berjalan-jalan di pekan Kuah sambil membeli buah tangan sebagai cenderamata. Lawatan ini sangat berfaedah kerana dapat menambahkan ilmu pengetahuan dan pengalaman kami. Kami berharap lawatan ini dapat dijadikan acara tahunan Persatuan Kajian Tempatan sekolah kami.

Disediakan oleh,

14 MAC 2012

Kumari

(KUMARI A/P GOPAL)
Setiausaha,
Persatuan Kajian Tempatan,
SJK(T) Ladang Gapi

- 31 Apakah tujuan utama lawatan ini diadakan?
- A Mengisi masa lapang semasa cuti sekolah
 - B Menjalankan aktiviti tahunan Persatuan Kajian Tempatan
 - C Memberi pendedahan tentang tempat pelancongan menarik di negara kita
 - D Menambahkan pengetahuan tentang legenda Mahsuri yang terkenal di pulau ini
- 32 Lawatan sambil belajar itu disertai oleh _____ orang peserta.
- A 38
 - B 40
 - C 42
 - D 44
- 33 Semua pernyataan berikut berkaitan dengan Mahsuri **kecuali**
- A Mahsuri dihukum bunuh kerana difitnah.
 - B Mahsuri seorang wanita yang cantik.
 - C Mahsuri belum berkahwin semasa dibunuh.
 - D darah yang mengalir dari tubuh Mahsuri berwarna putih.
- 34 Mengapakah rombongan penulis singgah di Kawasan Rehat Sungai Perak?
- A Menikmati pemandangan
 - B Melepaskan penat
 - C Makan tengah hari
 - D Bersarapan
- 35 Siapakah yang menulis laporan ini?
- A Ahli Persatuan Kajian Tempatan
 - B Setiausaha Persatuan Kajian Tempatan
 - C Bendahari Persatuan Kajian Tempatan
 - D Setiausaha Persatuan Kajian Tempatan

Soalan 36 - 40

Baca puisi di bawah, kemudian jawab soalan-soalan berikutnya.

Duduk memancing di atas titi,
Titi dibina di tepi paya;
Ajaran guru harus ditaati,
Kelak hidupmu pasti berjaya.

Waktu malam pasang pelita,
Cahaya terang menerangi suasana;
Tolong-menolong sesama kita,
Semua kerja pasti terlaksana.

Pulau Langkawi sungguh indah,
Tempat menarik bagaikan syurga;
Isikan masa dengan berfaedah,
Kerana masa amat berharga.

Menjemur basahan di ampaian,
Angin bertiup sepoi-sepoi bahasa;
Gigih berusaha mencapai impian,
Hindari sikap berputus asa.

Terang bulan bintang bercahaya,
Cahayanya indah begitu rupa;
Apabila dirimu sudah berjaya,
Kenanglah jasa ibu dan bapa.

TAMAT SOALAN

- 36 Apakah jenis puisi di atas?
- A Syair
 - B Sajak
 - C Pantun
 - D Gurindam
- 37 Apakah yang harus dilakukan jika ingin berjaya?
- A Membantah kata-kata guru
 - B Mendengar nasihat ibu bapa
 - C Mematuhi ajaran guru
 - D Membuang masa
- 38 Mengapakah kita perlu mengamalkan semangat kerjasama dengan rakan?
- A Supaya segala kerja dapat diselesaikan
 - B Supaya dapat menjimatkan wang
 - C Supaya dapat menambahkan kawan
 - D Supaya dapat mengeratkan hubungan dengan kawan
- 39 Aktiviti-aktiviti berikut dapat mengisi masa lapang **kecuali**
- A melakukan hobi yang berfaedah.
 - B membaca buku-buku rujukan.
 - C membantu ibu bapa melakukan kerja rumah.
 - D melepak dan berbual-bual kosong dengan kawan.
- 40 Apakah pengajaran yang diperoleh daripada rangkap kelima pantun?
- A Melakukan aktiviti yang berfaedah pada masa lapang
 - B Mengamalkan sikap bekerjasama dengan rakan
 - C Menjauhi sikap berputus asa untuk berjaya
 - D Membalas budi ibu dan bapa apabila sudah berjaya

KERTAS SOALAN TAMAT